

სახელმწიფო შესყიდვების შესახებ ხელშეკრულება
№20-160916-01

ქ. გარდაბანი, 16 სექტემბერი, 2016წ.

შპს "გარდაბნის თბოსადგური"; (შემდგომში „შემსყიდველი“), გენერალური დირექტორის ლაშა მგელაძის სახით, და შპს „კაჯგუფი“, (ტემდგომში „მიმწოდებელი“), დირექტორის სალომე კინაძის სახით, თანახმდ სახელმწიფო შესყიდვების შესახებ" საქართველოს კანონის მე-3 მუხლის პირველი პუნქტის "ს" ქვეპუნქტისა, შევთანხმდით შემდეგზე; (შემდგომში „ხელშეკრულება“):

1. ხელშეკრულების საგანი

1.1. ხელშეკრულების საგანია დანართში №1 ჩამოთვლილი მომსახურების (შემდგომში „მომსახურება“) მიწოდება, CPV79212000.

2. მხარეთა უფლება-მოვალეობები

2.1. შემსყიდველი უზრუნველყოს ანგარიშსწორება ხელშეკრულებით გათვალისწინებული პირობებით

2.2. შემსყიდველი უფლებამოსილია მოსთხოვოს მიმწოდებელს ნაკისრი ვალდებულებების შესრულება.

2.3. მიმწოდებელი ვალდებულია კეთილსინდისიერად შეასრულოს მასზე ხელშეკრულებით დაკისრებული მოვალეობი და მოსთხოვოს შესყიდველს ხელშეკრულებით ნაკისრი ვალდებულებების შესრულება.

3. მომსახურების გაწევის წესი, მიღება-ჩაბარების წესი და ანგარიშსწორების პირობები

3.1. მიმწოდებელი ვალდებულია გაუწიოს შემსყიდველს ხელშეკრულებით გათვალისწინებული მომსახურება დანართით №1 განსაზღვრულ ვადაში.

3.2. მომსახურების დასრულებისთანავე მიმწოდებელს და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეები ან მათ მიერ წარმოდგენილი უფლებამოსილი პირები.

3.3. ხელშეკრულებით განსაზღვრული მომსახურების ღირებულებაა 4,700.0 (ოთხი ათას შვიდასი ლარი) დღგ-ს ჩათვლით

3.4. ანგარიშსწორების განსახორციელებლად მიმწოდებელმა უნდა წარმოადგინოს მიღება-ჩაბარების აქტი და დასტურებული საგადასახადო ანგარიშ-ფაქტურა

3.5. ანგარიშსწორება მიმწოდებელთან წარმოებს ხელშეკრულების 3.4. პუნქტით გათვალისწინებული დოკუმენტების წარმოდგენიდან 10 (ათი) სამუშაო დღის ვადაში.

4. გარანტია, პასუხისმგებლისა და ხელშეკრულების პირობების შეუსრულებლობა

4.1. მხარეთა მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას მოქმედი კონონძდებლობით დადგენილი წესით.

4.2. მომსახურების გაწევის დაყოვნებისას მიმწოდებელი ვალდებულია გადაუხადოს შემსყიდველს პირგასამტებლო ყოველ ვადაგადაცილებულ დღეზე შესასრულებელი მომსახურების ღირებულების 0.02%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტებლოს სახით მასზე დარიცხული თანხა.

4.3. შემსყიდველის მიერ ანგარიშსწორების ვადის გადაცილებისას მიმწოდებელს უფლება აქვს დააკისროს შემსყიდველს პირგასამტებლოს გადახდა ყოველ სამუშაო დღეზე გადაუხდელი თანხის 0.02%-ის ოდენობით.

4.4. ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დაკისროს მიმწოდებელს პირგასამტებლო შესასრულებელი (დარჩენილი) ვალდებულების შესაბამისი ღირებულების არაუმტეს 10%-ის ოდენობით.

4.5. ხელშეკრულების პირობების შეუსრულებლობისათვის შემსყიდველი უფლებამოსილია განსაზღვროს პირგასამტებლო ხელშეკრულების საერთო ღირებულების არაუმტეს 20%-ის ოდენობით.

4.6. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობისას მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც ფორმდება შეტყობინების სახით), ხოლო შეტყობინებაში მითითებული ვადის გასვლის შემდეგ მოითხოვოს ხელშეკრულებიდან გასვლა.

4.7. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

4.8. ზიანის ანაზღაურება და პირგასამტებლოს გადახდა არ ათავისუფლებს მხარეს ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

4.9. ხელშეკრულებიდან ვადამდე გასვლასთან და ზიანის ანაზღაურებასთან დაკავშირებით გამოიყენება მოქმედი კანონმდებლობა.

5. მხარეთა პასუხისმგებლობისგან გათავისუფლება

16.09.2016

5.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებით (მიწისმვრა, წყალდიდობა, სახელმწიფო გადატრიალება და სხვა გარემოები, რომელიც არ არის დამოკიდებული მხარეებზე და ითვლება ფორს მაჟორულ გარემოებად).

5.2. მხარეს, რომელსაც შექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი აღმოფხვრის სავარაუდო ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

5.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

5.4. მხარეები ანაზღაურებენ თავიანთი ვალდებულებების განხორციელებას ფორს-მაჟორული გარემოების აღმოფხვრისთანავე.

6. ხელშეკრულების ინსპექტირების პირობები

6.1. შემსყიდველს უფლება აქვს განახორციელოს გაწეული მომსახურების კონტროლი.

6.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ უფლებამოსილი პირ(ები) ან ინსპექტირების ჯელი.

6.3. ინსპექტირების ფუნქციებია:

6.3.1. მომსახურების მოცულობის, ხარისხისა, მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება

6.3.2. მიღება-ჩაბარების აქტის გაფორმებამდე შეამოწმოს, სრულად არის თუ არა წარმოდგენილი ხელშეკრულებით გათვალისწინებული ინფორმაცია და უარი თქვას დაგვიანებით ან არასრულად მოწოდებული ინფორმაციის მიღებაზე და შესაბამის ანაზღაურებაზე

6.3.3. ხელშეკრულებით გათვალისწინებული ანგარიშსწორების პროცესის რეგულირება

6.3.4. საჭიროების შემთხვევაში ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება, შენახვა და ხელშეკრულების ეფუძნების მიზნით სხვა უფლებამოსილების განხორციელება.

7. ხელშეკრულების პირობების გადასინჯვა

7.1. ხელშეკრულების პირობების გადასინჯვის გარემოებები რეგულირდება საქართველოს სამოქალაქო კანონმდებლობით.

7.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველისთვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.2.1. სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8. ხელშეკრულების ძალაში შესვლა და მოქმედების ვადა

8.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს მისი 3.1. პუნქტით განსაზღვრული ვადის დასრულებიდან დამატებით 30 კალენდარული დღის განმავლობაში.

8.2. მხარეებს შეუძლიათ შეთანხმებით შეწყვიტონ ხელშეკრულება მისი მოქმედების ნებისმიერ ეტაპზე.

8.3. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაზიარების საფუძვლზე, იმ შემთხვევაში, თუ:

ა. ხელშეკრულების მეორე მხარე სისტემატიურად არღვევს მომსახურების პირობებს

ბ. ხელშეკრულების მე-7 მუხლით გათვალისწინებული შემთხვევების დადგომისის, არსებითად იცვლება მისი პირობები.

9. შემსყიდვის ობიექტის ხარისხი

9.1 მიმწოდებელი იღებს ვალდებულებას, რომ გაწეული მომსახურების ხარისხი პასუხობს ხელშეკრულებით გათვალისწინებულ პირობებს და დაკაბუოფილებს შემსყიდველის მოთხოვნებს.

9.2 შემსყიდვის აბიუქტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

10. დასკვნითი დებულებები

10.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად.

- 10.2. მხარეთა შორის წარმოშობილი ნებისმიერი დავა წყდება ურთიერთმოლაპარაკების გზით. შეთანხმების მიუღწევლობისას ყველა სადაცო საკითხი წყდება საქართველოს კანონმდებლობით გათვალისწინებული წესით.
- 10.3. ხელშეკრულებაში შეტანილი ყველა ცვლილება/დამატება/დანართი იურიდიულ ძალას იძენს მხოლოდ მხარეთა მიერ მისი ხელმოწერის დღიდან.
- 10.4. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი სხვა ნაწილების ნამდვილობაზე.
- 10.5. მხარეთა მიერ ხელმოწერილი ნებისმიერი ცვლილება/დანართი/დამატება წარმოადგენს მომსახურების ხელშეკრულების განუყოფელ ნაწილს.

მხარეთა რეკვიზიტები და ხელმოწერები

შემსყიდველი: შპს "გარდაბნის თბოსადგური"	მიმწოდებელი: შპს „კკ-ჯგუფი“
მის: ქ.გარდაბნი, დავით აღმაშენებლის 2ბ ს/კ: 404428071	მის.: ქ.თბილისი, არჩილ ქურდიანის 11 ს/კ: 205264462
ტელ: 032 299 12 01, 555 254747	ა/ა: GE 12PC004360010001 ტელ.: 032 260 80 27/28; 577 007 877

გენერალური დირექტორი

ლ. მგელაძე

ს. კონაძე



დანართი №1

ხელშეკრულება №20-160916-01

ტექნიკური პირობები (დავალება)

1. 2015წ ფინანსური საქმიანობის აუდიტი ფინანსური ანგარიშგების საერთაშორისო სტანდარტების (IFRS) მიხედვით.

1.1. უნდა განხორციელდეს როგორც დოლარში, ასევე ლარში წარმოდგენილი ფინანსური უწყისის/უწყისების აუდიტი

1.2. ფინანსური აუდიტის დასკვნა უნდა მომზადდეს ქართულ ენაზე

1.3. ფინანსური აუდიტის განხორციელება უნდა დასრულდეს ხელშეკრულების ხელმოწერიდან არაუგვიანეს 15 კალენდარული დღისა

1.4. აუდიტორი დამკვეთისაგან კონტრაქტის გაფორმების შემდგომ უმოკლეს ვადაში მიიღებს კომპანიის საცდელ ბალანსს 2015წ 31 დეკემბრის მდგომარეობით და გატარებების ბაზას 2015წ 31 დეკემბრის ჩათვლით პერიოდზე. დამკვეთი დამატებით მიაწვდის ინფორმაციას აუდიტორს როგორც კი ასეთი ინფორმაცია გახდება ხელმისაწვდომი.

2. დასკვნა ბალანსზე რიცხული მირითადი საშუალებებისა და საბალანსო ღირებულების შესახებ (თანახმად ელექტროენერგეტიკისა და ბუნებრივი გაზის შესახებ საქართველოს კანონის 25-ე მუხლის „გ“ ქვეპუნქტის მოთხოვნებისა).

2.1. დამკვეთი აუდიტორს წარუდგენს სრულ ინფორმაციას 2015წ 14 ივნისის შემდგომ პერიოდში დამკვეთის მიერ განხორციელებულ კაპიტალურ მშენებლობასა და ამ თარიღის შემდგომ ბალანსზე აყვანილი ძირითადი საშუალებების შეძენაზე (საექსპერტო დასკვნები, ინვოისები, საბაჟო დეკლარაციები და სხვა)

2.2. ბალანსზე რიცხული მირითადი საშუალებებისა და მათი საბალანსო ღირებულების შესახებ დასკვნის მომზადება უნდა განხორციელდეს როგორც დოლარში, ასევე ლარში.

2.3. ბანალსზე რიცხული მირითადი საშუალებებისა და მათი საბალანსო ღირებულების შესახებ დასკვნა მომზადებულ უნდა იქნას ქართულ ენაზე.

2.3. ბალანსზე რიცხული მირითადი საშუალებებისა და მათი საბალანსო ღირებულების შესახებ დასკვნის მომზადება უნდა დასრულდეს ხელშეკრულების ხელმოწერიდან არაუგვიანეს 15 კალენდარული დღისა

